

गणमो जिणाणं पागद-भासा

प्राकृत-भाषा

पाउअ-भासा

पाइअ-भासा

PRAKRIT LANGUAGE

Year-2 | Volume-2 | The First News Paper in Oldest Indian Prakrit Language, Hon. Editor : Dr. ANEKANT KUMAR JAIN



दिल्ली, अहिंसा-थले दिल्ली-सरआरस्स मुख्यमतिणं सिरी अरविन्द केजरीवाल डॉ० अणेयंत जइणो पागद-भासाअ अंकं दत्तं। अवसरमि सिरी एम, डॉ० इन्दु जइण, विस्स जइण संगठणो संजय जइण, विपिन पिय, पो० जयउमार उपाध्ये, पो० वीरसायरो उवठिदो आसी।

भारतीय-पाइय-स्कालर्स-सोसायटी-अहिवेसणं

कुललयमालाकाहाए पाइयगंथस्स विमोयणसमारोहस्स अवरण्ह सत्ते 'भारतीय प्राकृत स्कालर्स सोसायटी', संस्थाए तइयो बारसिअ अहिवेसणं 26.03.2016



दिणंकिमि जयपुरणयरे संपण्णं। इममि अहिवेसणे अणेय पदेसाहितो पण्णवीसा सदस्सजणा सम्मिलिदा। तेहिं बहुआयामी पाइयभासाए विसये सवियाराइं पगडाइं। सोसायटी-सचिवेण डा. जोइबाबू जइणेण सोसायटी-परिचयं पदत्तं। इममि अवसरे पो. हम्पा नागरजैया, बैंगलोर, पो० कमलचंदसोगाणी, पो० बंसीधरभट्ट, पो० दामोदरणसती, पो० दयाणंदभार्गव महाभागोहिं पो० कुसुमजैन, डा. सुसमा सिंधवी महोदयाए सवियाराइं पगडणं करेज्ज। डा. धर्मेन्द्रजइणेण अहिवेसण-संचालणं किदं एवं डा. सुमतकुमारजइणेण धण्णवादं पदत्तं। - Dr. Jyoti Babu Jain



अहिणन्दणं : डॉ० दुगड़ कुलवड़-पअे निज्जुत्तो

डॉ० वच्छराज दूगड़ जइण विज्जाअ अन्तारट्टिय केन्दो लाडनूं ठिदो जइण-विस्स-भारइ-विस्सविज्जालअस्स पूयण कुलवड़ रूवेण 30.04.2006 दिवसमि पयहारं गिण्हइ। पागदभासा पक्खदो अहिणंदणं ।

मांगीतुंगी-तित्थखेत्तमि ठिदो तित्थयरउसहदेवो (१०८ फुट अहिंसाअ पडिमुत्ति विस्स गिणीज दत्तावेजमि दज्जा)



गणिणी अज्जिका णाणमई पहावेण मांगीतुंगी तित्थखेत्ते एगेव पासाणमि णवणिम्मदो अइसुंदरो भव्व 108 फुट अहिंसाअ पडिमुत्ति पटमो तित्थयर उसहदेवाणं उत्तंग पडिमा विस्स गिणीज दत्तावेजमि दज्जो होंति। अस्स भव्व खडगासण पडिमाअ अंतरट्टिओ पंचकल्लाणओ समारोहो तहा य महामत्थकाहिसेओ संपण्णो। एस सुहावसरिमि दिणंक 2 तो - 4 मार्च 2016 पज्जंतं विसाल जइण अहिंसा सम्मेलणं जादं जस्स संयोजगो डॉ० अणुवम जइण, इन्दौर आसी। अवसरमि पागद-भासा संवादगो डॉ. अणेयंतकुमारजइणो अज्जिका-णाणमईअ पागद-भासाअ णवीण अंकं पदत्तं।

रट्टिय-उसहदेव-संगोटी-संपण्णो

दि० 4.4.2016 णव दिल्ली सिरी-लालबहादुरसास्तरी रट्टिय-सक्कय-विज्जापीठस्स जइण दंसण विहागेण तित्थयरउसहदेवजम्मजयंती-अवसरिमि एगो रट्टिय उसहदेव



संगोटी जादं। अज्झक्खदा दंसण-संकाय-पमुहो पो. महेशपसाद-सिलोडी, मुखवत्ता डॉ० जयउमार-जइण, मुजप्फरणयरो, सुतभासणं डॉ० वीरसायरो जइण, धण्णवाद-भासणं डॉ० कुलदीपो किदं। संगोटी-संयोजगो डॉ० अणेयंतकुमारजइणो संचालणं किदं। - Dr. Kuldeep

Editorial

‘पाइय-भासा-विमस्सो’

(गंथसमिक्खणं)

लहु रूवेण पाइयस्स परियस्स आवसकदा आसी। दिल्ली ठिदो भोइलाल लहेरचंद इंस्टीट्यूटस्स पुव्व णिदेसओ पो. फुल्लचंद जइणो ‘पाइय-भासा-विमस्सो (प्राकृत भाषा विमर्श) णामअं लहु गंथं रइदं अत्थि। गंथमि बायालीसा सिससकम्मि लेहओ पाइय भासा तथा अ तस्स साहिच्चस्स सरल परिययो लिहिदं। पाइयभासा किं अत्थि ? तस्स किं सरूवं ? सक्कय-पाइय भासा मज्झमि किं भेयं? सव्वभासाणं जणणी पाइयभासा, सक्कय नाडकम्मि पाइय पयोगो, पाइयस्स भेयो, पाइयस्स पमुख विसेसदा, पाइयस्स मूलपाठो, अपभंस भासाआ सरूवं, तस्स साहिच्चं, पमुख-पाइय-कहा, पाइय-णिबंधो, पाइय गणणा, पमुख-पाइय-सुत्ति इच्चाइं सव्वं विसयस्स संक्खिप्प रूवेण वण्णणं अत्थि। पाइयभासा विसयकं णाणत्थं गंथमिअं अईव महत्तपुण्णं अत्थि।

गंथमिदं माणवसंसाहण-विआस-मंतालअस्स केन्दिय-हिण्ड निदेसालयस्स-वित्तसहाय्येण पयासिअं अत्थि । संसदमि लोगसहाए सहागारमि गंथस्स भव्व विमोअणं जादं।

गंथस्स णाम	-	‘प्राकृत भाषा विमर्श’
कत्ता	-	‘प्रो० फूलचन्द जैन ‘प्रेमी’
पयासओ	-	‘भोगीलाल लहेरचन्द इंस्टीट्यूट ऑफ इण्डोलॉजी, दिल्ली
भासा	-	‘हिन्दी’
पढमं सक्करणं	-	2013
पिट्टु संख्खा	-	140
मुल्ल	-	45/- (पणयालीस)



भगवं महावीरोवदेसो

भगवदो महावीरस्स जम्म-कल्लाणं चेतसुई तेरसं वट्टमाणकाले सव्वे जइण समाज अईउल्लसेण मणाएति। भगवं महावीरस्स उवएस जणाणं हियकारी होन्ति। तम्मि पमुह सिद्धांत-अपरिग्गहो, अहिंसा, अणेयंदो होन्ति। जं पि

अपरिग्गहो वयो पालिससइ तं जीवण सहलं होइ । अज्ज वट्टमाणं णरा किंचि समय धम्मज्ञाणे लग्गाविअव्वा । जहा

थेवं थेवं धम्मं करेह, जइ बहु न सक्केह।

पेच्छह महानईओ, बिंदूहिं समुद् भूयाओ॥

जइ णरा भोइयसुकरवाइं अन्तरा अमोल्लं समया धम्म कज्जाइं उवयोगन्ति तं पावकम्मणे छुट्टिअण पुण्णकम्माइं बंधन्ति। सव्वाणि भूआणि सुहे रयाणि, सव्वाणि दुक्खाउ समुच्चियंति तम्हा सुहत्थी सुहमेव देइ, सुहप्पदाया लहए सुहाई ॥

- Smt Renu Jain

‘रिट्ट-णेमि-थोत्तं’

(छंद-‘सिहरिणी’)

विसालं गंभीरं, जुगल णयणं, फंद रहिदं,
अभव्वं णो भव्वं, णवि दिणकरं, अक्खदमगं।
विहूणं पंकं जं, परम भगवं, वा जिणवरं,
हरं रिट्टं णेमिं, सदद पणमं, मंगलकरं ॥1॥

सुरिद्धं संपण्णं, परम विमलं, णेत्त सहिदं,
वरं पुज्जं पादं, सुवय सहिदं, दोस रहिदं।
सुणेदारं जुत्तं, समवसरणं, णिम्मलत्तणं,
हरं रिट्टं णेमिं, सदद पणमं, मंगलकरं ॥2॥

महा जोई ज्ञाणी, पुण विउलधी, सव्व-दरिसी,
कविं अक्वावाहं, कुवय रहिदं, सील-जलधी।
अजेयं जेणिदं, जुद-सिवसुहं, हे! विमल धी,
हरं रिट्टं णेमिं, सदद पणमं, मंगलकरं ॥3॥

पसिद्धं सिद्धं वा, वरसुहरदं, कोमल वयं,
परप्पं धीरं वा, मदनहरणं, उत्तम मणं।
पवित्तं सिद्धत्तं, सुसमय विदुं, सुंदरतणं,
हरं रिट्टं णेमिं, सदद पणमं, मंगलकरं ॥4॥

जिणं सिध्दं बुध्दं, वर-सुह-णिधिं, इंदिय जयं,
जगज्जेट्टं वीरं, तिहुवण-जिदं, पावण पदं।
महाणं आरज्जं, मम मुणिवरं, कालुस हरं,
हरं रिट्टं णेमिं, सदद पणमं, मंगलकरं ॥ 5॥

णिहाणं णिल्लेवं, विउल-ममिटं, णिम्मदमुरुं,
णिरासं णिद्दोसं, वलय-ममिदं, णिम्मममुजुं।
णिरक्खं णिस्संगं, वसह-मगिलं, णिम्मलयरं,
हरं रिट्टं णेमिं, सदद पणमं, मंगलकरं ॥6॥

दविरागं णिग्गंथं, अचलमखिलं, णिग्गुणमवि,
विसुद्धं णिद्दं, अरूह-मतुलं, णिक्कलमवि।
विसेसं णीरायं, अगुण-मणधं, पुण्ण-पुरिसं,
हरं रिट्टं णेमिं, सदद पणमं, मंगलकरं ॥7॥

अणेयंतं रूवं, अमर-मज्जं, अव्वय-मवि,
सुकल्लाणं कारिं, सुपह-सहिदं, सासय-मवि।
पुबुद्धप्पं धीमं, अगुरुलहुगं, वाचम-मवि,
हरं रिट्टं णेमिं, सदद पणमं, मंगलकरं ॥8॥

इदं रिट्टं णेमिथोत्तं, आइच्चेण किदं पुणो।
आरोगं सासयं सोक्खं, जो पढइ सो पावइ ॥9॥

- Pujya Muni Aditya Sagar ji
(with Acharya Vishuddha Sagar ji)

पाइय-कुवलयमालाकहाए विमोयणसमारोहं

26.03.2016 उज्जोयणसूरी-विरचिदाए कुवलयमालाकहाए पाइयगंथस्स विमोयणसमारोहं जयपुरणयरे संपण्णं। ईसाए अट्ठण्ह सदीए इमस्स पाइयगंथस्स हिन्दीभासाए अणुवादं आहुनियविहाए संपादनकज्जं च वरिठ्ठमणीसीए पो. पेम्मसुमण-जइणमहाभागेण पढमबारं बारहसयेसु पिठ्ठेसु



किदं। पाइय-हिन्दी सहिदस्स इमस्स गंथस्स दोण्णि भागाइं पाइय भारदी अकादमीए पआसिदाइं। समारोहे आयरिएण जयकुमार उवाज्जेण पाइयमंगलाचरणं किदं एवं विदुसी सुसमासिघवी महोदयाए अकादमीए परिचयपुव्वगं अतिथिजणाणं सागदं किदं। इमस्स पाइयगंथस्स विमोयणं बंगलोरवासीए वरिठ्ठमणीसीए आयारिएण हम्मा नागराजैया महाभागेण किदं। तेण कधिदं जं पाईण पाइयगंथाणं अणुवादेण बिणा जुवापीढी भारतीय संस्सकिदीए परिचिदा ण हवेज्ज। अणुवादग-संपादगेण आयारिएण पेम्मसुमण-जइणमहाभागेण इमस्स पाइयगंथस्स बहुविध-विसयवत्थू समुपत्थिदा। पाइय भारदी अकादमीए संत्थावगेण अज्झक्खेण पउमभूसण देवेंदराजमेहता महाभागेण संपादग-अणुवादगं पेम्मसुमण-जइणमहाभागं सम्मानं पदत्तं। समारोहस्स संचालणं संयोजणं च डॉ. ताराडागा महोदयाए किदं।

- Dr. Kalpana Jain

खमत-खामणा

खमाइ वडढइ मित्ती, वेरदोसा विणस्संति।
कोहाइणो पलायंति, हियए णोहो विवड्डइ।
अप्पणो सुद्धिलाहस्स, खमा हु उक्किडुसाहणं।
खमा बलमसत्ताणं, खमा वीरस्स भूसणं।
जइ मम ववहारेण, मणो तुम्हाण पीलियां।
करबद्धो खमामि अज्ज, निम्मलेण खु चेषसा।



- Prof. Dharam Chand Jain



भट्टारक-सामी, कुलवई पो. रमेसचंद-पाण्डेयो पागद-भासा-णूयण-अंकस्स विमोयणं किदो ।

अंजणचोरकहा

सम्यग्दर्शन के प्रथम निशंकित अंग के लिए अंजन चोर की कथा आबाल-गोपाल प्रसिद्ध है। इस पूर्व ज्ञात कथा को प्राकृत भाषा में पढ़कर आप आसानी से समझ सकते हैं।

मगहदेसस्स राजगिहणयरे जिणदत्तसेट्ठी आसि। सो खलु जिणिंदभत्तो सहावेण धम्मिल्लो पूयादाणसीलोववास-धम्मेण सह सदा णिवसीइ । एगदा सो उववासस्स णियमं गहिय किण्हपक्खस्स चउददसीदिवसे मसाणे काउसग्गेण ट्ठिदो। तदाणिं अमिअपहविज्जुअपहणामा बे देवा अण्णोण्णस्स धम्मपरिक्खाकरणट्ठं



विहरंता तत्थ समागदा। तं सेट्ठिणं विलोइय अमिअपहदेवो विज्जुअपहं कहेदि- अम्हाणं मुणीणं वत्ता दु दूरं हवे, एदं गिहत्थं तुमं ज्ञाणेण विचलहि। तदणंतरं विज्जुअपहदेवेण जिणदत्तस्स उवरि अणेयपयारेण उवसग्गो कदो तो वि ण सो ज्ञाणेण विचलइ । पादो सगमायाकिरियं थंभिय विज्जुअपहदेवेण सो

पसंसिदो। तेण आगासगामिणी विज्जा य पदत्ता। तेण वुत्तं च-तुज्झ एसा विज्जा सिद्धा अण्णेसिं तु पंचणमोक्कारमंतेण सह आराहणविहिं किच्चा सिज्झिसिइ। सेट्ठी पइदिणं सिज्झविज्जाबलेण अकिट्टिमजिणालयवंदणाकरणट्ठं सुमेरुपव्वदं गच्छेइ । जिणदत्तस्स गिहे एगो सोमदत्तणामा वडुअबंभचारी चिट्ठेई। सो जिणदत्तस्स पइदिणं पूयासामग्गिं समप्पेदि। एगस्सिं दिवसे सोमदत्तो सेट्ठिणं पुच्छेइ-पादो पइदिणं कत्थ गच्छमि। तेण वुत्तं-अकिट्टिमजिणालआणं वंदणट्ठं पूयणट्ठं च। सव्वघडिदघडणा कहिदा। सोमदत्तो वोल्लेदि-मज्झ वि विज्जं देउ जेण तेण सह अहं वि गच्छहिमि पूयाभत्तिं च करिस्सामि। जिणदत्तेण विज्जासिद्धीए विही कहिओ।

तदणुसारेण सोमदत्तो किण्हपक्खस्स चउददसीरतीए मसाणे वडरुक्खस्स पुव्वदिसाए साहाए सदुत्तरअट्टरज्जुणं एगमुंजसीगं बंधेइ। हेट्ठिल्लं सव्वपयारेण तिव्खसत्थाणि उवरिमुहेण भूमीए णिक्खेवइ । पूयासामग्गिं गहिय सींगमज्जे तेण पविट्ठो । बे उववासणियमेण सह पंचणमोक्कारमंतं उच्चरिय एगेगरज्जकत्तणे उवजुत्तो । हेट्ठाए उज्जलसत्थसमूहं पासिय भीदेण विचारेइ- जं सेट्ठिवयणं असच्चं हवे तो मरणं होज्ज । तेण संकियचित्तो पुणो पुणो आरोहणावरोहणं कुणदि।

तदाणिं राजगिहणयरीए एगा अंजणसुंदरी णामा वेस्सा णिवसीअ। ताए कणयपहरायस्स कणयाराणीए हारो दिट्ठो । रतीए जदा अंजणचोरो वेस्सागिहे समागदो, ताए कहिदं- जदि कणयाराणीए हारं दाएज्ज तो मे भत्ता, ण अण्णहा। चोरो तं आसासं दत्ता गदो । रतीए हारं चोरिय धावंतो हारपयासेण अंगरक्खेहि दिट्ठो । तं गहिदुं कोट्टपालादओ धावेंति । हारं मुंचिय धावंतो सो मसाणे सोमदत्तं वडुयं पासेइ पुच्छेइ य किं करोसि एत्था। तेण सव्वं कहिदं । णमोक्कारमंतं सुणिय छुरिं गेण्हदूण सिग्घं चढिय सींगमि उवट्ठिदो होदूण णिसंकेण एगवारमि असेसरज्जुसमूहं कत्तेदि । तदा सो पुण्णमंतं विम्हरेण ण पढदि विचारेदि तेण अंते 'आणं ताणं' इच्चादियं भणिदं । अदो तेण वि 'आणं ताणं ण किचि जाणे सेट्ठिवयणं पमाणं' इदि मंतेण विज्जासिद्धी कदा । सिद्धिगया विज्जा पुच्छेइ- आणं पदेउ । चोरेण वुत्तं - जिणदत्तसेट्ठिणियडं णयेज्ज । तक्काले सेट्ठी सुदसणमेरूणं चेइयालए पूयं कुणंतो ट्ठिदो । एकक्खणे विज्जाए तस्समीवं णीदो । सेट्ठिचरणं फासिय बोल्लेइ - जहा ते उवएसेण विज्जा सिद्धी जादा तथा परलोयस्स वि सिद्धीए विज्जा दायव्वा। सेट्ठी चोरं चारणइट्ठिमुणिसमीवं णेइ । तत्थ सो दियंबरदिवखं गहिय घोरतवं कुणिय केलासपव्वदे केवलणाणं उववज्जिय मोक्खं गदो ।

- Muni Shree Pranamya Sagar Ji



रुद्रपइ-सम्माण-पुरक्कार-उग्घोसणा

‘डॉ. दामोदर-शास्त्रि’-विउवरस्स पायदभासा-साहिच्चखेतम्मि विसिट्टसेवं विमसिरुण 2016 ई. वच्छरस्स रुद्रपइ-सम्माणपुरक्कारो तस्स दिज्जइ-इइ भारहसव्वयारीयेण माणवसंसाहणविआसमंतालयेण उग्घोसणा कदा । एसो विबुहवरो जहसिग्घं तेण पुरक्कारेण रुद्रपइणा सम्माणिदो होहिइ । एआए उग्घोसणाए सव्वो विउहलोओ पमुइओ अत्थि । संपई, सत्थिविउहा लाडनूत्थ-जइणविस्सभारई-संठाणे (माणिदे विस्सविज्जालयम्मि) ‘प्राच्यविद्या एवं भाषा’- इहनामकम्मि विहागम्मि आइरिय-रूवेण अज्झावग- सोहपरियोजना-मगगणिदेसणाइ-कज्जं कुव्वंति ।



जुव-पाइय-रुद्रपइ-सम्माण-पुरक्कार-उग्घोसणा

‘डॉ. योगेश जैन’-विउवरस्स पायदभासा-साहिच्चखेतम्मि विसिट्टसेवं विमसिरुण 2016 ई. वच्छरस्स महरिसि-वायरायण-जुव-रुद्रपइ-पुरक्कारो तस्स दिज्जइ-इइ भारहसव्वयारीयेण माणवसंसाहणविआसमंतालयेण उग्घोसणा कदा । एसो विबुहवरो जहसिग्घं तेण पुरक्कारेण रुद्रपइणा सम्माणिदो होहिइ । एआए उग्घोसणाए सव्वो विउहलोओ पमुइओ अत्थि । संपई, डॉ. जोगेश लाडनूत्थ-जइणविस्सभारई-संठाणे (माणिदे विस्सविज्जालयम्मि) ‘जैन विद्या एवं तुलनात्मक धर्म तथा दर्शन’- इहनामकम्मि विहागम्मि सहाइरिय-रूवेण अज्झावग- कज्जं कुव्वंति ।

- Dr. Sweta Jain



With Best Compliments from
ARIHANT KUMAR JAIN
SRE, Deptt. of Philosophy
University of Mumbai
(Contributed Rs. 5000/- for Pagad Bhasa)

सागाहार-अट्टकं

विविहाहारपदेसुं जीवाणविगासं अन्नाहारोत्तमो होदि।
सागाहारेण विणा कधमवि णं जायदे संति ।।।।।

मणुअस्स भोयणं ण हि अंडा मच्छं खु मंसं य।
तम्हा सेविदव्वं खीरान्नफलं हिदकरं सआ सागं ।।2।।

अंडा फलति ण रुक्खेसुं खेत्तेसुं ण य उग्गति।
सागाहारी ण हवदि अंडा महप्पुरिसा वर्यति एदं ।।3।।

जीवणेच्छा सव्वजीवेसुं सव्वाणं पिउमत्थि सआ पाणं।
जीवेज्ज वच्छलभावं दुक्खतो हवेज्ज सआ ताणं।।4।।

होदु अहिंसा धम्मो जीवाणं रक्खभावेण।
विस्सस्स मित्तीभूदा परोप्परं उपगार मंतेण ।।5।।

ण जाणेदि जो भक्खं किंचिवि अभक्ख ण जाणेदि।
भक्खाभक्खं जाणेहि बिणा पालेडि कहं सदायारो ।।6।।

सव्वे भूदा सागाहारी धरणी पडि सुहाआरा।
मंसाहारी सव्वे जीवा पज्जावरण पदूसया।।7।।

सुही होइ सागाहारी आमिस भोइ पावद सदा दुक्खं।
सागाहार गिहीतव्वं जं तुमं इच्छइ सस्सओ सुक्खं ।।8।।

Prof. Phoolchand Jain

पाइय-विउसाणं देहावसाणं

2016 वस्सम्मि तिण्णी पाइय-विउसाणं देहावसाणा होसी। खतौलिस्थ



Dr. K.C. Jain Prof. G.C. Jain Prof. S.R. Banerjee

कुण्डकुण्ड- महाविज्जालयस्स पवत्ता
‘डॉ. कपूरचन्दो जइण, संपुण्णाणन्दो
सक्कय- विरस- विज्जाल अस्स
पाइय-जइणागम-विहाअस्स पुव्व
आयरियो पो. गोउलचन्दो जइण तथा च
कलकत्ता विस्सविज्जालअस्स पुव्व
आयरियो पो. सत्तरंजण वणज्जी महोदयाणं दुहद वियोगो होसी। सव्वाणं विउसाणं
पाइयभासाणं बहुसेवा किदं। पागद-भासा-पक्खदो अप्पसंवेदणा, सुगइ गमणं होन्तु ।

इंटरनेट-जुगे पागद-भासा अहोलिहिदलिकम्मि वि उवलद्धा अत्थि-

फेसबुग-सुत्तं : [https://www.facebook.com/pages/Prakrit-
Language-and-Literature/376483559110083?ref=hl](https://www.facebook.com/pages/Prakrit-Language-and-Literature/376483559110083?ref=hl)
Group - <https://www.facebook.com/groups/prakritlanguage/>
ब्लॉगसुत्तं : <http://prakritlanguage.blogspot.in/>
संपक्क-सुत्तं : pagadbhasa001@gmail.com, +91 9711397716

TITLE - PAGAD BHASHA,
RNI - DELPRA/2015/59918, ISSN. 2454-5252
DCP (L) - NO. F.2 (P-22) PRESS/2014
LANGUAGE OF THE NEWS PAPER - PRAKRIT
PERIODICITY - HALF YEARLY
PRICE - FREE OF COST DISTRIBUTION

Printed Matter Posted Under P&T Guide Sec. 114(7)

To

.....
.....
.....
.....
.....
.....

STAMP

If undelivered please return to-
JIN FOUNDATION, Behind Nanda Hospital, A93/7A,
Chattarpur Extention, New Delhi-110074

Declaration As Per Rule

Printed, Published and owned by Ruchi Jain and printed at Sonu Printing Press, Munirka, New Delhi-67 and published at JIN FOUNDATION, A93/7A, Chattarpur Extention, New Delhi-110074, Editor - Dr. Anekant Kumar Jain.